

Paulo remimombe'ukwe

Tessalônica tetā mygwa pegwarā 2

segunda epístola de Paulo aos tessalonicenses

Paulo inhirū ave omondo jevy Tessalônica tetā mygwa-pe onhe'ē kwatia-rehe

1 ¹Hesu reroviah Tessalônica tetā-my oiko va'e. Ore Paulo, Silvano, Timóteo ave oromondo-ta peē-my ore nhe'ē. Kwatia-rehe oromondo-ta. Peē katu Nhandejáry Nhande Ru tee va'e rehewa, Nhandejáry Hesu Cristo re'yi ave. ²Tapende rovasa katu pende rexakwaa rei-vy Nhandejáry Nhande Ru tee va'e. Tapende rexakwaa rei katu Nhandejáry Hesu Cristo ave. Tapene mbopy'agwapy katu ave.

Ojehexa uka jevy va'erā Nhandejáry Hesu

³Ha peē katu, ore re'yi kwéry, perovia porāve rāve katu peho-vy Nhandejáry-pe. Pejohayhu porāve rāve katu pekwa-vy ave. Pende rovasa porā-gwi orotima Nhandejáry-pe pende-rehe kwéry. Naiporāi orotima e'y ramo Nhandejáry-pe. “Nhatima porā meme katu Nhandejáry-pe hese kwéry” oro'e role pende-rehe kwéry. ⁴Perovia porā-gwi, pejohayhu porā-gwi ave, heta oronhe'ē porā pende-rehe. Hesu reroviah ojogweroaty haty haty-rupi gwive heta oronhe'ē porā meme pende-rehe oromboete-vy. “Hekoha porā porā voi” oro'e pende-rehe kwéry. “Ojerereko asy ramo jepe, ohasa asy ramo jepe, Nhandejáry rape-gwi katu ndoyeréi voi. Ogwerovia joty kuri” oro'e pende-rehe oromboete-vy. ⁵Āy peiko asy Nhandejáry ra'arō-vy. Ha Nhandejáry oipota peiko asy ramo, perovia tee joty íxupe. Upe rire pegwahé ramo Nhandejáry oiko ha-py, pende ruvíxa oiko ha-py pegwahé ramo, napemonhemotí motíry va'erā íxupe perovia tee-gwi. Upéixa voi Nhandejáry ohexa uka-ta gwekoha porā. ⁶Ojehexa uka jevy ramo Nhandejáry Hesu, nde repy va'erā voi Nhandejáry. Ne moingo asyhare-pe katu omoingo asy ave va'erā. Upéixa voi Nhandejáry ohexa uka va'erā gwekoha porā. ⁷Erehasa asy rire, nane

mbohasa asy ukavéi-ma va'erā. Ha ore-vy ave nore mbohasa asy ukavéi-ma va'erā. Áry-rehe ojehexa uka ramo Nhandejáry Hesu, nanhane mbohasa asy ukavéi va'erā. Nhandejáry Hesu ojehexa uka va'erā gwembigwái mbaraeete va'e ndive. ⁸ Hendy mbaraeete tee reheve ojehexa uka va'erā. Ogwahé ramo, ombohosa asy va'erā Nhandejáry kwaa e'ýha-pe. Hesegwa nhe'ẽ porā rendu e'ýha-pe ombohosa asy va'erā ave. ⁹ Omboyke va'erā mombyry imondo-vy ojéhegwi. Opa hagwã-pyma omondo va'erā inhe'ẽ rendu e'ýha gwive. Ndou mo'ávéi-ma Hesu rexava-vy. Opu'aka teeha reheve mburuvixagwasu tee-rami ojehexa uka ramo, ndohexa mo'ávéi-ma íxupe hikwái. ¹⁰ Ha upe va'e áry-py ogwahé ramo Nhandejáry Hesu, omboete va'erā íxupe he'ýi kwéry. Ojerovia va'e gwive hese, “Nde tuvixa mba'e va'e voi nde” he'i va'erā Nhandejáry Hesu-pe imomba'legwasu-vy. Ha peẽ ave hese ojerovia va'e gwive pa'ü-my peĩ va'erā. Ore remimombe'u perovia-gwi peĩ va'erā upe-py, he'ýi kwéry pa'ü-rupi. ¹¹ Upéa-rehe oromondo meme va'e Nhandejáry-pe ore nhe'ẽ. Pende-rehe oromondo. Pende pe'a va'ekwe Nhandejáry peiko hagwã-heko-rupi. Upéa-gwi orojerure rure íxupe pene mombaraete hagwã peiko hagwã-heko-rupi onhemotí e'ý hagwã pendéhegwi. Ha pende rekoha porâse ko peẽ. Tapene mombaraete katu pende rekoha porâve râve hagwã, perovia porâve râve hagwã, pene rembiapo porâ porâ meme hagwã. ¹² Pene rembiapo porâ ohexa ramo, omomba'legwasu va'erā Nhandejáry Hesu-pe héry mboete-vy. “Hesu réry iporâ ete” he'i va'erā. Pene mboete va'erā ave. Héry-py peĩ va'e tuvixa mba'e ko Nhandejáry-pe. Nhandejáry ko pende rovasa va'e voi. Pende rexakwaa rei va'e voi ave Nhandejáry Hesu Cristo. Upéa-gwi pene mboete va'erā. Nhandejáry-pe pemboete va'erā ave. Upéa-rehe tapende rovasa vasa katu Nhandejáry.

Pehekoha vaive eterei va'e ojekwaa ranhe va'erā

2 ¹⁻² Áy oromombe'u-ta peẽ-my, xe re'ýi kwéry, kватia-rehe Nhandejáry Hesu Cristo ou jevytaha rehewa nhe'ẽ. Gwupive nhande rerahaha hagwã outaha rehewa nhe'ẽ oromombe'u-ta. Oí pene pa'ü-my omombe'u va'e mo'ã peẽ-my. Ani penhemoakã rasy uka rei tei íxupe. “Ma'erā erehalarõ joty Hesu outaha áry? Ogwahé-ma voi” he'i mo'ã va'erā peẽ-my. Xe ndaiptái voi perovia inhe'ẽ, ore re'ýi kwéry. Ani pene mbopy'a reraha rei, omombe'u-vy mo'ã peẽ-my upéa nhe'ẽ. Oí he'i va'e, “Nhe'ẽ Marangatu tee va'e ko omombe'u nhande-vy upéa nhe'ẽ” he'i mo'ã. Oí he'i va'e, “Kóixa voi Paulo remimombe'u” he'i mo'ã. Oí he'i va'e, “Upéa nhe'ẽ Paulo omoi va'ekwe kватia-rehe” he'i mo'ã.^a ³ Upéixa omombe'u ramo, ani pene mbotavy uka rei va'erā. Áy ete katu nogwahé mo'ã Nhandejáry áry igwejy hagwã. Kente kwéry yvypóry va'e gwive ojere ranhe va'erā Nhandejáry rekoha-gwi. Ojekwaa ranhe va'erā pe hekoha vaive eterei va'e, anháy ruvixa Satanás rembieraharã. Upe rire ae katu ogwejy va'erā ou-vy Nhandejáry Hesu. ⁴ Ha pe hekoha vaive eterei va'e voi ojekwaa ranhe va'erā. Opaixagwa tupã tee-pe, tupã ra'anga-pe ave ndoiptavéi omboeteve íxupe.

^a 2.1-2 1 Jo 2.18-19

Enterovéa remimboete gwive ndoipotavéi omboeteve. “Xe-vy mante xe mboete katu. Anive eremboete teĩ tupáve” he'i va'erã. Oipota va'erã ojeupéte omboeteve. Oike va'erã Nhandejáry róga kakwaa-py ogwapy hagwã onhemonhandejáry ra'anga anga-vy. “Xe katu Nhandejáry” he'i mo'ã va'erã ójehe.^b

⁵ Ma'lerã po nde resarái nde-vy amombe'u va'ekwe-gwi. Pene pa'ũ-my xe aiko ramo amombe'upa porã-ma va'ekwe peẽ-my.^c ⁶ Ha pe hekoha vaive eterei va'e katu ne'írã ojekwaa. Hi'áry-py ae ogwahé va'erã. Anga ete ndojekwaa mo'äi. Oï ijokoha. Mba'eixagwa po upe va'e peikwaa voi. Amombe'u va'ekwe-gwi peẽ peikwaa voi. Peikwaa-ma voi-gwi peẽ, namombe'u mo'ávéi-ma peẽ-my. ⁷ Áy nhemi nhemi ha-py hembiapo vai. Oï ijokoha. Nombojekwaa ukái pe hekoha vai va'e. Upe rire oipe'a va'erã ijokoha Nhandejáry. ⁸ Oipe'a rire ae ojehexa uka porã va'erã ivai va'e. Upe va'e hekoha vai va'e ojekwaa ramo, ombaraete reheve ou va'erã Nhandejáry Hesu. Ojehexa uka porã arã ou-vy. Ou-ma ramo ojuka va'erã pe hekoha vai va'e-pe. Pytu-py ojuka va'erã íxupe.^d ⁹ Upe va'e hekoha vai va'e ojekwaa va'erã anháy ruvixa Satanás nhe'ë-rupi. Nhandejáry Hesu ou e'ý mboyve, Nhandejáry rembiapo porã oha'ã a'ã oiko-vy va'erã. Hembiapo porã ra'anga anga rei va'erã oiko-vy. Opaixagwa nhane rembiexa e'ý va'e ojapo va'erã. Oipota, “Nhandejáry” he'i mo'ã hese kente kwéry. Omopondera uka uka va'erã ójehe iporombotavy-vy. ¹⁰ Nainheresendehái va'e-pe ombotavy va'erã. Opaixagwa ivai va'e ojapo va'erã ombotavy-vy. Upéa, Hesu-rehe ojerovia e'ý va'e, ohendu ramo anhetegwa nhe'ë, nohenduséi voi. “Iporã upéa nhe'ë. Nhahendu katu” nde'íry. Ndoipotái oresende íxupe Nhandejáry. Upéa-gwi noresende mo'ãí íxupe kwéry Nhandejáry.^e ¹¹ Nohenduséi-gwi nhe'ë porã, ptyú-my oiko hagwã Nhandejáry remimondo voi. Ombojejavy uka íxupe ijapu va'e ogwerovia hagwã. ¹² Upéixa ramo Nhandejáry ombohasa asy va'erã anhetegwa nhe'ë ogwerovia e'ý va'e-pe gwive. Entéro ojejavysé va'e gwive, ombohasa asy va'erã íxupe imondo-vy anháy renda-py.

Pende pe'a ranhe va'ekwe Nhandejáry pene resende hagwã

¹³ Ha peẽ katu, ore re'ýi kwéry, Nhandejáry Hesu rembihayhu va'e voi. Pende pe'a ranhe va'ekwe kente kwéry pa'ũ-gwi Nhandejáry pene resende hagwã. Omopotímba-ma ramo pende py'a Nhe'ë Marangatu tee va'e, perovia-ma ramo inhe'ë anhetegwa va'e, pene resende voi va'ekwe Nhandejáry. Upéa-gwi orotima porã porã meme Nhandejáry-pe pende-rehe. Naiporãi voi orotima e'ý íxupe. ¹⁴ Pende poravo valekwe ojave gwarã peiko hagwã, perovia-ma ramo Hesu rehewa nhe'ë porã, ore remimombe'ukwe peẽ-my. Pende poravo va'ekwe penhemomba'e hagwã peẽ-my gwarã, Nhandejáry Hesu Cristo ome'ë peẽ-my va'erã-rehe hendive peiko ramo. Iporãmba meme voi Nhandejáry Hesu onhemombal'egwasu ete ha-py. Upe-py peẽ pemoirû va'erã íxupe. ¹⁵ Upéa-gwi peẽ, ore re'ýi kwéry, anike pejere teĩ Nhandejáry rekoha-gwi. Perovia tee meme katu upe va'e nhe'ë anhetegwa va'e. Ani katu pemboyke teĩ pendéhegwi ore

^b 2.3-4 Dn 11.36 ^c 2.5 Rm 1.21-25 ^d 2.8 Is 11.4 ^e 2.9-10 Mt 24.24

remimombe'ukwe. Anhemonhe'ẽ va'ekwe peẽ-my pene pa'ũ-my aime ramo va'ekwe. Kwatia ahai va'ekwe peẽ-my ave. Upéa nhe'ẽ-rupi gwive peiko meme katu peẽ. ¹⁶Ha Nhandejáry Hesu Cristo katu, Nhandejáry Nhande Ru tee va'e ave tapende rovasa porã katu. Ha'le nhande rayhu va'ekwe, nhande rexakwaa rei va'ekwe ave, nhane mbopy'agwasu meme voi va'ekwe. "Xe ra'arõ tee katu. Xe katu napombotavy mo'âiry" he'i va'ekwe nhande-vy. ¹⁷Tapene mbopy'agwasu katu Nhandejáry. Tapene mombaraete katu Nhandejáry pene mbopy'agwapy-vy iporã va'e gwive pejapo hagwã, nhe'ẽ porã porã va'e gwive pemombe'u hagwã.

Pejapo katu oração Nhandejáry-pe ore-rehe

3 ¹Ne'írã opa ore nhe'ẽ. Oromombe'u-ta vyteri, ore re'ýi kwéry. Áy orojerure-ta peẽ-my: "Pejapo katu oração Nhandejáry-pe ore-rehe, opa-rupi pya'e osarambi hagwã Nhandejáry Hesu rehewa nhe'ẽ, enterove omboete hagwã inhe'ẽ". Upéixa voi ogwahẽ va'ekwe peẽ-my inhe'ẽ. ²Ha inhe'ẽ renduha gwive ndogwerojojái herovia-vy. Oĩ tekoha-rupi e'ý oiko va'e,hekoha vai va'e ave. Upéa-rehe pejerure Nhandejáry-pe íxugwi ore resende hagwã. ³Ha Nhandejáry Hesu katu nhane mbotavy e'ý va'e. He'i va'e gwive anhetegwa meme voi. Pene mombaraete va'erã. Upéa anháy ruvixa-gwi pene resende va'erã. ⁴Ha'e katu ore mbojerovia va'e pende-rehe kwéry. Penhepyrũ porã heraha-vy. Ore remimombe'u peẽ-my ndapeheja reíry va'erã. Pejapo meme joty va'erã. Orojerovia-ma voi pende-rehe. Hendive peiko jave orojerovia-ma pende-rehe. ⁵Tapene mbopy'apyhy katu Nhandejáry Hesu peikwaa porã hagwã Nhandejáry pende rayhuha, pejere e'ý hagwã íxugwi. Hesu Cristo ojere e'ý hagwe-rami joty, ani pejere.

Tomba'apo ogana hagwã ójehe

(1 Ts 4.11-12; Ef 4.28-29)

⁶Hesu reroviahha jepe oĩ ipituva va'e. Ndojaposéi mba'eve. Nohendúiry oro'e va'ekwe. Oromanda peẽ-my, ore re'ýi kwéry. Nhandejáry Hesu Cristo réry-py oromanda. Ani pemoirũ íxupe kwéry. ⁷⁻⁸Ha oroiko ramo pene ndive va'ekwe ndore pituváiry va'ekwe ore. Iporã peiko ore oroiko hagwe-rami. Upe va'e peikwaa voi. Oropaga paga va'e ore remi'urã-rehe. Ndorokaru reíry. Ha oromba'apo hatã hatã ae katu oroiko-vy ore mbaraaete reheve. Ore kane'õ ramo jepe oromba'apo joty. Áry pyhare ave oromba'apo oroiko-vy ponóike ipohýi eterei avave-pe ore remi'urã ome'ẽ ramo. ⁹Upéixa ramo oromba'apo ore oroiko hagwe-rami peiko hagwã. "Xe nhe'ẽ mombe'uháry-pe iporã ereme'ẽ rei ho'u va'erã" he'i va'ekwe Nhandejáry. Ha ore ae katu oromba'apo joty orokaru hagwã, ore oroiko hagwe-rami ave peẽ peiko hagwã. ¹⁰Oroiko ramo pene ndive va'ekwe, "Gwí omba'apose e'ý va'e gwive tokaru e'ý jepe" oro'e kuri peẽ-my. ¹¹Onhemombe'u ore-vy: "Ipa'ũ-my oĩ omba'apo e'ý va'e, ipituva va'e. Oĩ omoakârasy rei va'e gwapixa-pe" he'i pende-rehe. Upe va'e-pe oromondo-ta ore nhe'ẽ, "Toiko tekoha-rupi. Tomba'apo ogana hagwã ójehe" oro'e. ¹²Nhandejáry Hesu Cristo réry-py oronhemonhe'ẽ

íxupe omba'apo hagwā. Tekoha-rupi oiko hagwā, gwembi'u repyrā-rehe omba'apo hagwā oromanda íxupe. ¹³Ha peẽ katu, ore re'yí kwéry, ani peje teĩ, "Xe kweráima, naxe retea'evéi-ma xe rembiapo porã porã-gwi" ani peje teĩ. Ha peje ae, "Xe rapixa nopenái ramo jepe, ajapo porã porã-ta joty íxupe" peje ae. ¹⁴Oĩ para'le pene pa'ũ-my ohendu e'ŷ va'erã xe nhe'ẽ, xe remimondo peẽ-my ko kwatia-rehe amoĩ va'e. Upe va'e ohendu e'ŷ va'e, ani teĩ pemoirū íxupe. Peje Hesu reroviaha-pe: "Eheja ha'e anho ranhe toiko onhemotĩ hagwā" peje. ¹⁵Ha nde a'e'ŷha-rami ani ererekó. Nde ryvy-rami ae ereko íxupe. Enhemonhe'ẽ porã katu íxupe ohendu hagwā xe nhe'ẽ. ¹⁶Ha Nhandejáry Hesu nhane mbopy'agwapy va'e voi. Tapene mbopy'agwapy joa meme kena. Ojehu ramo jepe mba'e, tapene mbopy'agwapy porã joty. Toiko meme pene ndive kwéry Nhandejáry Hesu. ¹⁷Ây xe tee-ma a-rami ahai: "Xe Paulo xe resãi. Peẽ pene resãi tipo ave?" ha'e-ta peẽ-my. Upéixa meme ahai amoĩ-vy kwatia tia-rehe xe réry pehexa ramo, "Paulo nhe'ẽ tee voi nipo ra'e upe va'e" peje va'erã. ¹⁸Tapende rexakwaa rei katu Nhandejáry Hesu Cristo pende rovosa porã-vy.